

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Das die besten der verrätherey verargwont werden.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Ordnungen vnd Leer/

Erfarung des Feinds ge- heimnuß.

En dichte ein daffere Legation/ sende mit ihr die erlesneſte Beuelchs-
leut in knechts gestalt/ das sie erwan ihres Herren pferd ledig lassen/
als het es sich abgerissen/ vnd diweyl sie ihm nachlauffen/ also die ges-
stalt des Lagers besichtigen/ vnd wann die bottschaft heim keert/ das sie
zum oberfal des Lagers/ des richtiger kundschaffter vnd glücklicher fürer
sein mögen/ Oder schick zum feind ein redlichen Grauen/ Edlen oder Ritter/
als sey er von ihm abtrünnig/ das er mit allem fleiß sein huld erwerb/ vnd im
sein anschleg verkundschafft/ wie Judich vnd Jehu that/ Oder mag ihm
kein gefangner sunst werden/ so schicke er ein Fendlin der geschwindesten bal-
ger inn des Feinds wach/ das sie etlich vnuersehens verzuken/ vnd zu ihm/
als dem/ der nicht weit zu ihrer notwendigen entschüttung halten soll/ bring-
gen/ vnn den erfahrung nem/ sehe auch zu/ wo er vogel schar vnd geschrey
merckt/ das ihm da nicht heimlich nachgestelt werd.

Bottschaft.

Dazu wird erwan durch gute Schwimmer/ erwan durch abtrünnige
gleichner/ durch die feind zum freunde/ etwas in ein Thier vernat/ ab-
gefertigt/ erwan Brieff an die pfeil geknüpfft auß oder in die Stett ge-
schossen. Die alten haben iren Knechten die Köpff glat geschoren/ vnd mit
der besten dinten beschrieben/ außgesand/ mit dem beuelch/ wann ihn zuvor
das har erst erwachsen/ das sie solten sich heissen trucken schären/ Oder ein
newes Täffelin voll geschrieben/ vnd mit newem schwarzen wachs vberzo-
gen/ gesandt.

Abreißung der Fein- den.

Ein gaaben/ verheißungen noch leistung sol in dauern/ bis er die mäch-
tigste Herren vnd dafferste männer dem feind entfür/ dann wölcher
Herr mag ruh oder rast haben/ der seine trewste freund scheuhen muß?
Darumb was ir hertz gelüst vnd verlangt/ soll er sie gewären/ so bezwingt
erdenfeind als gewiß/ als Marius Jugurtham.

Das die besten der verrätheren ver-
argwont werden.

Wölch

Welchedann bestünden/denen soll er jr eigne güter nit verlegen/aber die drumb sein/alle/Item ein fürnemen Mann offte sichtbarlich zu in schicken/als werb er vmb verräterey mit stillem gesprech/Item brieff zu in schicken/zu ermanen das sie ihr zusagen halten/mitt vngleichem Dato verzeichnet/also das sie dem Herren heimlich werden/Darzu viel brieff ins Lager säen lassen/darinn groß gut verheissen/wer diß oder ihenes nach seinem beger volbring/das haben die alten gebraucht (wiewol ich sollich vnr edliche practicken gar nit preiß/erforderts doch erwan die not) Item so er ein Statt belägert/oder ein hauffen beschedigt/vnd verhergt allein der armen hab vnd gut/damit sie sich wider die reichen empörten/zertrennt vnd macht die mächtigen fast argwönig.

Von zertrennung der Feinde.

Sich vil Herren wider in zusammen schliügen/so schick er ringe pferd/vn die noch zu hauff seind/ihre Herrschafften mitt brand vnd raub zu verhergen/Er zwingt sie hie zuweichen vnd ihr eygenthumb zubeschirmen/dann mag er den zertrennten leichtlich obsigen.

Zu widerholen seine Geißel:

Schreibt vmb etliche Herren/das sie ein zwitteracht bey ihm helffen entscheiden/behalt darnach die thädings Herren/biß ihm sein pfand wider geliffert werde.

Von eygner hut.

Die erfahrung beweist/das gewalt/gunst/gelt/vnd eigne liebe der verderten natur/alles menschlich geschlecht also begwaltiget hat/das die Edel gerechtigkeit ins elend(wie der Prophet leyder beweynet)gedrungen/bey niemand mehr behauset wird/Darumb soll sich ein fromer Fürst/auch vor seinem eignen blut fleissig verwaren/vnd gedencken was Absalon seinem trauten vatter Dauid bewisen hab/mög heut auch geschehen.

Beharliche Monier eines heerzugs.

Wiewol etliche Historien außweisen/das die berümpfte Heerfürer vom Anfang bis zu end/allein ein arch/gestalt vnd brauch ihrer Kriege